



পরিচালকমন্ডলীর প্রতিবেদন

সম্মানিত শেয়ারহোল্ডারবৃন্দ,

আসসালামু আলাইকুম, অষ্টদশ বার্ষিক সাধারণ সভায় আগত শেয়ারহোল্ডারবৃন্দ নিরীক্ষকসহ আগত অতিথিবৃন্দকে উপস্থিতির জন্য পরিচালকমন্ডলীর পক্ষ থেকে স্বাগত জানাচ্ছি। কোম্পানীর ৩০শে জুন, ২০১৪ তারিখে সমাপ্ত বৎসরের বার্ষিক প্রতিবেদন, আর্থিক বিবরণী ও নিরীক্ষকের প্রতিবেদন আপনাদের সদয় বিবেচনা ও অনুমোদনের জন্য উপস্থাপন করতে পেরে আমরা সত্যিই আনন্দিত। প্রতিবেদনে কোম্পানীর সার্বিক কার্যক্রম, দেশীয় ও আন্তর্জাতিক অর্থনৈতিক, রাজনৈতিক প্রেক্ষাপট সংক্ষিপ্তভাবে নিম্নে উপস্থাপন করা হল।

১। ব্যবসার সার্বিক অবস্থা ও সম্ভাব্য ভবিষ্যৎ পরিস্থিতি :

সর্বপ্রথম শুকরিয়া আদায় করছি সর্বশক্তিমান আল্লাহর দরবারে আমাদের সার্বিক কার্যক্রম ও এর সফলতার জন্য। আল্লাহর অশেষ রহমতে ২০১৩-২০১৪ অর্থ বছরে কোম্পানীর চলমান উৎপাদনের পরিমাণ ও মান সংরক্ষণে ব্যাপক কার্যক্রম পরিচালিত হয়েছে, যন্ত্রাংশ সংযোজন, রক্ষণাবেক্ষণের প্রয়োজনীয় কার্যক্রম গ্রহণ করা হয়েছে।

আপনারা অবগত আছেন যে, আমাদের কারখানার মেশিনসমূহ প্রতিষ্ঠালগ্ন হতে আজ অবধি উৎপাদন কার্যে অবিরাম নিয়োজিত রয়েছে। ফলে মেশিন এর আয়ুষ্কাল দিন দিন কমে আসছে। এই অবস্থায় বাজারের চাহিদা পূরণকল্পে উৎপাদন ব্যবস্থাকে গতিশীল রাখার জন্য বিভিন্ন খুচরা যন্ত্রাংশ সংযোজন করতে হয়েছে। এর জন্য রক্ষণাবেক্ষণ খরচ অধিকাংশ বৃদ্ধি পেয়েছে যা আমাদের মুনাফা অর্জনের ক্ষমতাকে সরাসরি প্রভাবিত করেছে। এমতাবস্থায় উৎপাদন ক্ষমতা বৃদ্ধি, মুনাফা অর্জন ক্ষমতা বৃদ্ধি এবং বাজারে আমাদের পণ্যের ভাল অবস্থান তৈরী কল্পে Balancing Modernization Rehabilitation and Extension এর জন্য ব্যাংক ঋণ প্রক্রিয়াধীন অবস্থায় আছে।

আপনারা অবগত রয়েছেন, কাগজ শিল্প ২০০৯-২০১০ সাল পর্যন্ত ধারাবাহিক প্রবৃদ্ধি অর্জন করে পরবর্তীতে এই শিল্প বিভিন্ন ক্ষেত্রে বাধাবিঘ্নের সম্মুখীন হয়। বিশ্ব অর্থনীতিতে মন্দা, পুঁজি বাজারে ধস, তারল্য সংকট এবং গ্যাস ও বিদ্যুৎ সরবরাহে অনিশ্চয়তার কারণে এই শিল্প ভীষণভাবে ক্ষতিগ্রস্ত হয় এবং এর মধ্য দিয়েও আপনাদের এই প্রতিষ্ঠান সফলতার সহিত উৎপাদন কার্যক্রম চালিয়ে যাচ্ছে।

২০১৪ সালের ৫ই জানুয়ারীর নির্বাচন পূর্ব ও পরবর্তী সহিংসতা ২০১৩-১৪ সালে কাংখিত লক্ষ্য অর্জনে আমরা বিশাল প্রতিবন্ধকতার সম্মুখীন হয়েছিলাম। তবে আশার বিষয় এই যে, আপনাদের এই প্রতিষ্ঠান এর মধ্যে বাংলাদেশ টেক্স বুক বোর্ড কর্তৃক আহবানকৃত টেন্ডারে অংশগ্রহণ করে সরাসরি ১০০০ মেঃ টন রাইটিং প্রিন্টিং কাগজ সরবরাহের ক্রয়াদেশ পেয়েছে। এছাড়াও বাংলাদেশ টেক্স বুক বোর্ড হতে ক্রয়াদেশপ্রাপ্ত অন্যান্য কিছু প্রতিষ্ঠান থেকেও পণ্য সরবরাহের ক্রয়াদেশ পেয়েছে।

সম্প্রতি এই শিল্পের অনেক প্রতিযোগী বাজারে প্রবেশ করেছে। যার কারণে প্রতিযোগিতামূলক বাজারে আমাদের অবস্থান ধরে রাখার জন্য পণ্যের মূল্য কমিয়ে এবং ক্রেতাকে অন্যান্য সুযোগ সুবিধা প্রদানের কারণে যেমন, বর্ধিত পরিবহন, বিজ্ঞাপন খরচ এবং প্রতিষ্ঠানের স্থায়ী সম্পদ যেমন নতুন গোডাউন তৈরী ও মেশিনারী ক্রয়ের জন্য ব্যাংক ঋণের বিপরীতে ব্যাংক সুদ বাবদ খরচ বৃদ্ধি এবং ৩০শে জুন, ২০১২ইং তারিখে আর্থিক বিবরণীতে গ্যাস জেনারেটর ওভারহলিং এর বিপরীতে বিলম্বিত মুনাফা জাতীয় ব্যয় হিসাবে মোট ৬৬,০৪,৩৯৮.০০ টাকা প্রদর্শিত হয় যা পরবর্তী ৪(চার) বৎসরে আর্থিক বিবরণীতে সম্বয়ের কথা থাকলেও DSE এর Ref. No # DSE/CGFRC/275/2013/9847 dated Monday, 7th October, 2013, DSE/CGFRC/LC275/2013/11637 dated Wednesday, 18th Dec., 2013, DSE/CGFRC/LC275/2014/3929 dated Sunday 18th May, 2014 চিঠির মাধ্যমে BAS/BFRS এর Para 69 of 38 অনুযায়ী উক্ত খরচ বিলম্বিত করনে আপত্তি জানায়। ফলে অবশিষ্ট ৪৯,৫৩,২৯৯.০০ টাকা সম্পূর্ণ ২০১৩-২০১৪ অর্থ বৎসরে আয় ব্যয় বিবরণীতে সমন্বয়করণের সিদ্ধান্ত গৃহিত হয়। যার ফলে কারখানার পরিচালন ব্যয় অতিরিক্ত প্রায় ৩৪,০০,০০০.০০ টাকা বৃদ্ধি পেয়েছে। তাছাড়া উৎপাদনে ব্যবহৃত কাঁচামাল তথা ওয়েস্টেজ পেপার এর দাম ক্রমাগত বৃদ্ধি পেয়েছে আনুমানিক ৪০ থেকে ৫০ শতাংশ। সাথে সাথে কেমিক্যাল ও



প্যাকেজিং পণ্যের দাম ও বৃদ্ধি পেয়েছে প্রায় ১০ থেকে ২০ শতাংশ। উৎপাদন ব্যবস্থাপককে অধিকতর দক্ষ ও সময়োপযোগী করণে তথা সঠিক পরিকল্পনা গ্রহণন, বাস্তবায়ন ও নিয়ন্ত্রণে প্রাথমিক প্রয়োজনীয় তথ্য প্রাপ্তি সাবলীল ও নির্ভুল করার লক্ষ্যে সর্বাধুনিক তথ্য প্রযুক্তির সংযোজন, আভ্যন্তরীণ নিরীক্ষা, নিয়ন্ত্রণ ও নিবারণ ব্যবস্থার প্রচলন করা হয়েছে এবং প্রতিষ্ঠানের কার্যক্রমে স্বচ্ছতা আনয়ন এবং গতিশীল করার লক্ষ্যে আধুনিক Accounting Software সংস্থাপন করা হয়েছে এবং কারখানার নিরাপত্তা ব্যবস্থা জোরদার করার লক্ষ্যে সিকিউরিটি সিস্টেমস চালু করা হয়েছে। অনাকাঙ্ক্ষিত অগ্নি জনিত দূর্ঘটনা এড়ানোর জন্য আধুনিক অগ্নি নিরোধক ব্যবস্থা হিসাবে Fire Detection এবং Fire Protection System চালু করার পরিকল্পনা গ্রহণ করা হয়েছে।

আমাদের সর্বাঙ্গিক নিরলস পরিশ্রম, মেধা ও সময়ে সময়ে গৃহীত সঠিক ও বাস্তবসম্মত সিদ্ধান্ত গ্রহণের মাধ্যমে ২০১৩-২০১৪ অর্থ বৎসরে আপনাদের এই প্রতিষ্ঠান শেয়ার প্রতি ০.৪০ টাকা আয় অর্জন করতে সক্ষম হয়েছে।

তবে সম্মানিত শেয়ারহোল্ডারবৃন্দকে প্রত্যয়ের সাথে আমরা জানাতে চাই যে ইনশাআল্লাহ আগামীতে আপনাদের প্রিয় এই প্রতিষ্ঠান উৎপাদন আরো বৃদ্ধি করে বাজারে নিজেদের অবস্থান সম্প্রসারণে সর্বময় ক্ষমতা ও দক্ষতা বিনিয়োগিত করবে যাতে কাম্য মুনাফা অর্জিত হয় এবং আরো আশা করছি, দেশের আভ্যন্তরীণ রাজনৈতিক স্থিতিশীলতা বজায় থাকবে, অর্থনৈতিক নীতিমালা ও ব্যবসায়ের অন্যান্য উপাদান গুলো বাস্তব পরিস্থিতির ভিত্তিতে সুবিন্যস্ত হবে। সর্বোপরি পরিবেশ পরিবর্তনের ভয়াবহ অবস্থানে আমরা সঠিক পরিবেশ রক্ষায় সচেতন হয়ে প্রয়োজনীয় ব্যবস্থা গ্রহণ করব। আল্লাহ আমাদের সকল ভাল কাজে সহায় হউন।

২। বিক্রয় কার্যক্রম :

২০১৩-২০১৪ অর্থ বছরে বিপণন ব্যবস্থা ছিল সর্বোচ্চ চ্যালেঞ্জের সম্মুখীন। একদিকে সরকারী শিক্ষানীতি, আয়কর ও মূল্য সংযোজন কর আইনে পরিবর্তন, ক্রয়নীতির ব্যাপক পরিবর্তনে মুক্তবাজার ব্যবস্থায় সুবিধাবিধিত হয়েছে কাগজ শিল্প। পাশাপাশি সরকারী পাঠ্যপুস্তক সমূহ প্রকাশনার সিংহভাগ বিদেশী প্রতিষ্ঠানকে দেয়ায় এ শিল্প অনেক চ্যালেঞ্জের সম্মুখীন হয়। নোট বই, গাইড বই সহ সকল সংশ্লিষ্ট প্রকাশনা প্রায় বন্ধ করা হয়েছে। তথাপিও আমাদের প্রতিযোগী অনেক প্রতিষ্ঠানের বিক্রয় হ্রাস পাওয়া এবং কিছু প্রতিষ্ঠান প্রায় বন্ধ হয়ে যাওয়ার বিপরীতে আমাদের নিরলস প্রচেষ্টার ফলে আমরা আমাদের বিক্রয় বিগত বৎসরের তুলনায় প্রায় শতকরা ৪১ ভাগ বৃদ্ধি করতে সক্ষম হয়েছি।

বিগত বছরের ন্যায় ২০১৩-২০১৪ অর্থ বছরের জন্য প্রণীত বাজেটে সংবাদপত্রে ব্যবহৃত কাগজের উপর স্বল্পহারে আমদানী শুল্ক আরোপ করায় এবং দেশীয় উৎপাদিত কাগজে টনপ্রতি ১,৫০০ টাকা মূল্য সংযোজন কর আরোপ এবং পূর্বের ন্যায় দেশীয় শিল্প থেকে কাগজ ব্যবহারের কোন বাধ্যবাধকতা না থাকায় আন্তর্জাতিক বাজার হতে তুলনামূলক কম মূল্যে সমজাতীয় কাগজের ব্যাপক আমদানী ও ব্যবহার বৃদ্ধি পেয়েছে যার ফলে দেশীয় কাগজের বাজারে স্থবিরতা বিরাজ করেছে সারা বছর ব্যাপী। উপরন্তু সংশ্লিষ্ট কিছু কাগজ উৎপাদনকারী প্রতিষ্ঠানের ব্যাংক ঋণের দায়ের কারণে সৃষ্ট স্বল্প মেয়াদী তারল্য সংকট ও অপরিবর্তিত ব্যবস্থাপনা বাজারে কাগজের দাম যথাযথ পন্থায় নির্ধারণে প্রতিবন্ধকতা তৈরী করে চাহিদা এবং যোগানের ক্ষেত্রেও অনিয়মিত ধারা লক্ষ্য করা যাচ্ছে। যার সুদূর প্রসারি ক্ষতিকর প্রভাব পড়েছে দেশীয় কাগজ শিল্পে। সম্ভাবনাময় এই শিল্পের রপ্তানীর ক্ষেত্র নির্ধারণ সঠিকভাবে অগ্রসর হওয়া যাচ্ছে না। সর্বোপরি চাহিদার সঙ্গে সংগতি পূর্ণভাবে এই শিল্প সমান্তরালভাবে পথ চলতে পারছেন।

পণ্য ভিত্তিক বিক্রয় কার্যক্রমের কিছু তথ্য ও উপাত্ত নিচে উপস্থাপন করা হল :

বিবরণ	২০১৩-২০১৪	২০১২-২০১৩	২০১১-২০১২
নিউজপ্রিন্ট বিক্রয়	২৭৫,৫১৮,৬০০	১৮৮,৭০৯,০৮১	২০৬,১৫০,১৩৫
মিডিয়াম পেপার বিক্রয়	৬,৭৩৭,২৫০	১১,৯১৭,৮১১	১,৭৬০,১৮৯
মোট বিক্রয়	২৮২,২৫৫,৮৫০	২০০,৬২৬,৮৯২	২০৭,৯১০,৩২৪

তবে আমাদের দৃঢ় বিশ্বাস ২০১৪-১৫ অর্থ বছরে বাজার শক্তিশালী হবে এবং বাজারে আমাদের পণ্যের চাহিদা বৃদ্ধি পাবে এবং পণ্যের অবস্থান আরও সুদৃঢ় হবে।



৩। ঝুঁকি সমূহ :

কোম্পানীর সাথে সংশ্লিষ্ট ঝুঁকিসমূহ নিম্নরূপ :

সামগ্রিক অর্থনীতি:

সামগ্রিক অর্থনৈতিক কর্মকাণ্ড কোম্পানীর জন্য অত্যন্ত গুরুত্বপূর্ণ কারণ এর দ্বারা কাগজ শিল্প ও শিল্পায়ন প্রভাবিত হয়, যা কাগজ বিপণন শিল্পের মূল বাজার।

বাহ্যিক বিষয়াবলী :

রাজনৈতিক অস্থিরতা, ধর্মঘট, গণ আন্দোলন ও সন্ত্রাসী কর্মকাণ্ডের মত বিষয়ের কারণে কোম্পানীর ফলাফল প্রভাবিত হয়।

আয়কর ও মূল্য সংযোজন কর আইনে পরিবর্তন :

আয়কর ও মূল্য সংযোজন কর আইনে পরিবর্তন, করের হার বৃদ্ধি, মূল্য সংযোজন কর বৃদ্ধি এবং বাণিজ্যিক আইনে আকস্মিক পরিবর্তনের কারণে কোম্পানীর মুনাফা ও নগদ অর্থ প্রবাহের উপর বিরূপ প্রভাব পড়তে পারে।

পরিবেশ, স্বাস্থ্য ও নিরাপত্তা সংক্রান্ত আইনে পরিবর্তন :

আন্তর্জাতিক পরিমন্ডলের সাথে তাল রেখে সরকার বিভিন্ন সময়ে পরিবেশ, স্বাস্থ্য ও নিরাপত্তা সংক্রান্ত আইন ও বিধিতে পরিবর্তন এনে থাকে যার পরিপালন নিশ্চিত করতে কোম্পানীকে অতিরিক্ত বিনিয়োগ ও ব্যয় করতে হতে পারে।

মুদ্রার বিনিময় হারে পরিবর্তন :

যেহেতু হাক্কানী পাল্প এন্ড পেপার মিলের কাঁচামাল অধিকাংশই আমদানী নির্ভর, বৈদেশিক মুদ্রার বিনিময় হারের পরিবর্তনের কারণে কোম্পানীর মুনাফা প্রভাবিত হয়।

ঝুঁকি বিষয়ে ব্যবস্থাপনা কর্তৃপক্ষের মূল্যায়ন :

যদিও বেশির ভাগ ঝুঁকি কোম্পানী বিশেষের আয়ত্বের বাইরে, এইরূপ প্রত্যেক ঝুঁকির বিষয়ে হাক্কানী পাল্প এন্ড পেপার মিলস লিঃ সর্বদা সতর্ক দৃষ্টি রাখে এবং পণ্যের বাজার বহুমুখীকরণ, দক্ষভাবে কাঁচামাল সংগ্রহ, সর্বাধুনিক প্রযুক্তি ব্যবহার এবং গবেষণা কার্যক্রমে বিনিয়োগের মাধ্যমে এই সকল ঝুঁকির মোকাবেলা ও কোম্পানীর প্রতিযোগিতামূলক অবস্থান অর্জন করে। পরিবেশ বিধিমালায় একনিষ্ঠ অনুসারী হিসেবে হাক্কানী পাল্প এন্ড পেপার মিলস লিঃ ভাল মানের Effluent Treatment Plant স্থাপন করে পরিবেশগত ঝুঁকি মোকাবেলায় গুরুত্বপূর্ণ ভূমিকা পালন করে আসছে। কিন্তু বর্তমানে কারখানায় ব্যবহৃত পানির ৮০-১০০ ভাগ পরিশোধন করে পুনরায় ব্যবহার উপযোগী করার জন্য আরো আধুনিক এবং উন্নতমানের Effluent Treatment Plant দরকার এবং তা স্থাপন করে পরিবেশকে ক্ষতির হাত থেকে রক্ষা করার জন্য প্রতিষ্ঠান কাজ করে যাচ্ছে।

৪। বিক্রিত পণ্যের ব্যয়, মোট মুনাফা ও নীট মুনাফার উপর সংক্ষিপ্ত প্রতিবেদন :

বিক্রিত দ্রব্যের ব্যয়, মোট মুনাফা ও নীট মুনাফার উপর সংক্ষিপ্ত প্রতিবেদন নিচে তুলে ধরা হল :

বিবরণ	২০১৩-২০১৪		২০১২-২০১৩	
	টাকা	শতকরা হার	টাকা	শতকরা হার
বিক্রিত পণ্যের ব্যয়	২৫০,০৩২,৯৩৬	৮৮.৫৮%	১৭০,৮৬৭,৮৪৭	৮৫.১৭%
মোট মুনাফা	৩২,২২২,৯১৪	১১.৪২%	২৯,৭৫৯,০৪৫	১৪.৮৩%
নীট মুনাফা	৭,৬৩০,১১৮	২.৭০%	৯,৫৯০,৫৯৪	৪.৭৮%

৫। উৎপাদন:

সঠিক ও বাস্তবিক পরিকল্পনা প্রণয়ন, দিক নির্দেশনা, তদারকি, ব্যবস্থাপনা ও নিয়ন্ত্রণের মাধ্যমে উৎপাদন প্রক্রিয়ায় জ্বালানী সমস্যা বিরাজমান থাকা সত্ত্বেও এবং চলমান মেশিনারী সংযোজন, বিয়োজন, রক্ষণাবেক্ষণ কার্যক্রম সচল রেখে



উৎপাদনের ধারাকে অব্যাহত রাখার জন্য প্রতিষ্ঠান কাজ করে যাচ্ছে।

উল্লেখ্য যে, উৎপাদনের প্রতিটি স্তরে নিশ্চিত করা হয়েছে আভ্যন্তরীণ নিয়ন্ত্রণ, আভ্যন্তরীণ নিবারণ এবং সমন্বয় ব্যবস্থা। বিক্রয় ব্যবস্থাপনায় স্বচ্ছতা ও তদারকি নিবিড় করার লক্ষ্যে স্থাপন করা হয়েছে ডিজিটাল ওয়েটব্রীজ স্কেল। সঠিক মাপে সঠিক সময়ে ক্রেতাদেরকে পণ্য সরবরাহ নিশ্চিত করার লক্ষ্যে Auto Sheet Cutter Machine সংস্থাপন প্রক্রিয়াধীন অবস্থায় আছে।

সঠিক পদ্ধতিতে ও প্রনোদনার মাধ্যমে জনশক্তি, জ্বালানী শক্তি ও কাঁচামালের সঠিক ব্যবহার এবং সর্বোপরি নিবিড় তদারকির মাধ্যমে পণ্যের মান সংরক্ষণ করে উৎপাদন মূল্য যৌক্তিক স্তরে রাখার দিকে কোম্পানীর ব্যবস্থাপনা কর্তৃপক্ষ সর্বদা সচেতন রয়েছেন এবং ভবিষ্যতেও এর ধারাবাহিকতা বজায় থাকবে। উৎপাদনের সর্বস্তরে দক্ষতা বৃদ্ধির মাধ্যমে কাঙ্ক্ষিত মুনাফা অর্জন আমাদের ভবিষ্যৎ লক্ষ্য।

৬। অস্বাভাবিক মুনাফা / ক্ষতি :

২০১৩-২০১৪ অর্থ বছরে কোম্পানীর কোন রূপ অস্বাভাবিক মুনাফা / ক্ষতি (Extra ordinary gain or loss) ছিল না।

৭। আর্থিক ফলাফল :

২০১৩-২০১৪ অর্থ বৎসরের বিক্রয় ও অর্জিত মুনাফার চিত্র নিম্নে প্রদর্শিত হল :

বিবরণ	২০১৩-২০১৪ (টাকায়)	২০১২-২০১৩ (টাকায়)	২০১১-২০১২ (টাকায়)
মোট বিক্রয়	২৮২,২৫৫,৮৫০	২০০,৬২৬,৮৯২	২০৭,৯১০,৩২৪
মোট ব্যয়	২৬৮,৭৯৬,১১১	১৮৬,৪১৩,৭৮৪	১৮৭,৭৯০,২৭৮
পরিচালন মুনাফা	১৩,৪৫৯,৭৪০	১৪,২১৩,১০৮	২০,১২০,০৪৭
অন্যান্য আয়	৬৯৬,৫১২	৩,২১৩,২২১	৫৩৩,৩১৪
নীট মুনাফা	১৪,১৫৬,২৫২	১৭,৪২৬,৩৩০	২০,৬৫৩,৩৬০
বন্টনযোগ্য মুনাফা	১৩,৪৬২,০০৭	১৬,০১৪,২৬৮	২০,৬৫৩,৩৬০
প্রস্তাবিত লভ্যাংশ	৭৩,২২,৮০০	৯,৫০০,০০০	৯,৫০০,০০০
অবশিষ্ট মুনাফা	৭,৬৩৯,১১৮	৬,৫১৪,২৬৮	১১,১৫৩,৩৬০

৮। লভ্যাংশ ঘোষণা :

২০১৩-২০১৪ অর্থ বৎসরে সামগ্রিকভাবে কাগজের বাজারে স্থবিরতা বিরাজমান ছিল। বিশেষ করে পাঠ্যপুস্তক ছাঁপানোর কাজ বিদেশী কোম্পানীকে প্রদান করায় বাজারে স্থবিরতা ও অনিশ্চয়তা আরও প্রকট আকার ধারণ করে। ক্রমাগত মান উন্নয়ন ও সংরক্ষণ সর্বোপরি নিরবিচ্ছিন্ন সরবরাহ ব্যবস্থা, তদারকি, নিয়ন্ত্রণ সত্ত্বেও ২০১৩-২০১৪ অর্থ বৎসরে কাঙ্ক্ষিত মুনাফা অর্জন সম্ভব হয়নি। কোম্পানীর পরিচালক মন্ডলী ২০১৩-২০১৪ অর্থ বৎসরে সাধারণ শেয়ারের (পাবলিক শেয়ার) উপর জন্য ৫% (পাঁচ শতাংশ) এবং স্পঞ্জর শেয়ারের উপর ৩% (তিন শতাংশ) নগদ লভ্যাংশ সুপারিশ করেছে।

৯। ক্রেডিট রেটিং :

চলতি ২০১৪-১৫ অর্থ বৎসরে কোম্পানীর ক্রেডিট রেটিং সম্পন্ন করা হয়। ইমার্জিং ক্রেডিট রেটিং লিঃ নিম্নোক্ত প্রতিবেদন প্রদান করেন।

Date of Declaration	Valid till	Rating Action	Short term Rating	Out look
August 26, 2014	August 25, 2015	Sunveillance	ECRL-2	Stable



১০। পরিচালক নির্বাচন :

কোম্পানীর আর্টিকেলস্ অব এসোসিয়েশন এর ৮২ ধারা অনুযায়ী পরিচালক জনাব মোঃ গোলাম সারোয়ার, জনাবা হোসনে আরা বেগম এবং জনাবা ফেরদৌস আরা বেগম পরিচালকমন্ডলী থেকে অবসর নিচ্ছেন এবং তাঁরা যোগ্য বিধায় পুনঃ নির্বাচনের আবেদন জানিয়েছেন।

১১। নিরীক্ষক :

কোম্পানীর নিরীক্ষক মেসার্স খান ওহাব শফিক রহমান এন্ড কোং, চার্টার্ড একাউন্ট্যান্টস্ পর পর তিন বার নিয়োগপ্রাপ্ত হয়ে তাদের দায়িত্ব ও কর্তব্য সম্পন্ন করার পর অবসর গ্রহণ করেছেন এবং শফিক বসাক এন্ড কোং ২০১৪-২০১৫ অর্থ বৎসরের নিরীক্ষক হিসাবে নিয়োগপ্রাপ্ত হওয়ার আবেদন করেছেন। পরিচালক পর্ষদের সদস্য সমন্বয়ে গঠিত অডিট কমিটি যোগ্য বিধায় তাদের নিয়োগের জন্য সুপারিশ প্রদান করেছেন।

১২। কর্পোরেট সুশাসন :

সিকিউরিটিজ এন্ড এক্সচেঞ্জ কমিশনের প্রজ্ঞাপন নং- এসইসি/সিএমআরআরসিডি/২০০৬-১৫৮/১৩৪/এডমিন/৪৪ তারিখ ০৭ আগস্ট, ২০১২ইং এর নির্দেশনানুসারে প্রয়োজনীয় প্রতিবেদন (Corporate Governance Compliance Report) সম্মানিত শেয়ারহোল্ডারবৃন্দের অবগতির জন্য - সংযুক্তি ১,২,৩ ও ৪ এর মাধ্যমে উপস্থাপন করা হয়েছে।

১৩। সরকারী কোষাগারে অর্থ প্রদান :

কোম্পানী সর্বদা সরকারী আইনকানুন, নিয়মনীতি সমূহ যথাযথ অনুসরণ করছে। জাতীয় কোষাগারে অর্থ প্রদানের ক্ষেত্রে কোম্পানী সচেতন ও যত্নবান। ২০১৩-২০১৪ অর্থ বছরে সরকারী কোষাগারে আর্থিক অবদানের পরিসংখ্যান নিম্নে দেওয়া হলো :

বিবরণ	২০১৩-২০১৪ (টাকায়)	২০১২-২০১৩ (টাকায়)	২০১১-২০১২ (টাকায়)
কর্পোরেট আয়কর বাবদ প্রদান	৮,২৫৯,৯২৮.০০	১১,৩৯৩,৯৯১.০০	১১,৭৫৭,১৬৪.০০
আমদানী শুল্ক ও মূসক পরিশোধ	৪,২০০,০০০.০০	৪,২৪৮,১৬৫.৯০	৯২১,৯৯৫.০০
লভ্যাংশের বিপরীতে কর কর্তন বাবদ	১,০৩৮,৮৬৫.০০	১০,৪২,৯২৭.০০	১০,৩৯,০৭৭.৫০
উৎস কর ও মূসক পরিশোধ	১,০৫০,১৫৫.০০	১,৯৩৪,৯৪৪.০০	৯১৭,২৫২.০০
মোট	১৪,৫৪৮,৯৪৮.০০	১৮,৬২০,০২৭.৯০	১৪,৬৩৫,৪৮৮.৫০

১৪। মানব সম্পদ উন্নয়ন :

কোম্পানীর কর্মকর্তা কর্মচারীদের সর্বোচ্চ মেধা ও কর্ম ক্ষমতার উন্নয়নে সঠিক পরিচর্যা ও ব্যবহারের উদ্দেশ্যে কর্মকর্তা কর্মচারীদের কাজের ক্ষেত্র, পরিধি, দায়-দায়িত্ব, কর্তব্য ও ক্ষমতা নির্ধারণপূর্বক সময়ে সময়ে পূর্ণঃ বিন্যাস করার ব্যবস্থা নিয়মিতভাবে পরিচালিত হচ্ছে। উপরন্তু প্রণোদনার জন্য বিশেষ প্রনোদনা কার্যক্রম ও ব্যবস্থা গ্রহণ করা হয়েছে। ফলশ্রুতিতে সকলের কর্মপ্রেরনা ও দক্ষতা উত্তরোত্তর বৃদ্ধি পাচ্ছে। কোম্পানীর সামগ্রিক ব্যবস্থাপনায় তথ্য প্রযুক্তির ব্যবহার সম্প্রসারণ করে কার্যক্ষেত্রে আনয়ন করা হচ্ছে অধিকতর স্বচ্ছতা, দ্রুততা এবং নিশ্চিত করা হচ্ছে শ্রমশক্তির কাম্য ব্যবহার। কর্মরত সকল কর্মকর্তা কর্মচারীদের আর্থিক প্রণোদনাসহ সার্বিক উন্নয়নের লক্ষ্যে প্রতি বছর কোম্পানীর নীট মুনাফার ৫%(পাঁচ শতাংশ) শ্রমিক কর্মচারী মুনাফা অংশীদারিত্ব তহবিলে নিয়মিতভাবে প্রদান করা হচ্ছে। প্রতি বছর দক্ষতা, যোগ্যতা, শৃঙ্খলা ইত্যাদির বিবেচনায় নিয়মিত ভাবে পদোন্নতি, বেতন বৃদ্ধিসহ বিশেষ প্রনোদনা বোনাস এর মাধ্যমে সকল কর্মকর্তা কর্মচারীদের কর্মের মূল্যায়ন ও দক্ষতার উন্নয়ন সাধন করা হচ্ছে। আভ্যন্তরীণ নিরীক্ষায় প্রয়োজনীয় ট্রেনিং ও সঠিক দিক নির্দেশনার মাধ্যমে কর্মরত সকলের কর্মদক্ষতা বৃদ্ধি করা হচ্ছে এবং ভবিষ্যতে যুগোপযোগী মানব সম্পদ প্রস্তুতের যাবতীয় কার্যক্রম ও চলমান রাখা হয়েছে।



১৫। পরিবেশ ও নিরাপত্তা :

কোম্পানীর কারখানার চতুর্দিকে পর্যাপ্ত সুপারিকল্পিত বৃক্ষ রোপণের মাধ্যমে সবুজ বেষ্টিত তৈরী করা হয়েছে এবং বর্জ্য নিঃসরণের যথাযথ ব্যবস্থা গৃহীত হয়েছে। স্বাস্থ্য ও নিরাপত্তার জন্য প্রয়োজনীয় ব্যবস্থা গ্রহন করা হয়েছে এবং উত্তরোত্তর তা সম্প্রসারণ করা হচ্ছে। আভ্যন্তরীণ ও বাহ্যিক সংবেদনশীল পরিবেশ অত্যন্ত যত্ন সহকারে রক্ষণাবেক্ষণ করা হয় এবং কারখানায় অবস্থিত সকল সম্পদের যথাযথ নিরাপত্তা ও সুরক্ষার যাবতীয় ব্যবস্থা সুদৃঢ় করা হয়েছে। প্রতি বৎসর প্রয়োজনীয় সকল ক্ষেত্রে প্রাক্ প্রস্তুতি গ্রহন, তদারকি ও উন্নয়ন কার্যক্রম ধারাবাহিকভাবে পরিচালিত হচ্ছে। বিগত বৎসরের ন্যায় ২০১৩-১৪ অর্থ বৎসরে ও সম্ভাব্য ঝুঁকি বিবেচনায় কোম্পানীর কাঁচামাল গোড়াউন, গ্যাস জেনারেটরের বীমা করা হয়েছে এবং যথারীতি এসিড, অগ্নিনির্বাপক ব্যবস্থা সংক্রান্ত পরিদর্শন ও তদন্ত প্রতিবেদন গ্রহণপূর্বক লাইসেন্স নবায়ন করা হয়েছে। কারখানার কাঁচামাল ও তৈরী পণ্যের মজুদাগার, মেশিনারিজসহ স্থাপনা সমূহে অগ্নিনির্বাপক যন্ত্র বৃদ্ধি করা হয়েছে এবং যথারীতি নবায়ন ও রক্ষণাবেক্ষণ করা হচ্ছে। তদুপরি কর্মরত কর্মচারীদের প্রয়োজনীয় যন্ত্র ব্যবহার প্রশিক্ষণও প্রদান করা হয়েছে।

কারখানায় নিঃসারিত প্রাকৃতিক ক্ষতিকর রাসায়নিক নিঃসরণের জন্য ইপিটি স্থাপন সম্পন্ন হয়েছে। কোম্পানীর কারখানায় নিঃসারিত পানি উপযুক্ত রি-সাইক্লিং প্রক্রিয়ায় পূর্ণঃ পূর্ণঃ ব্যবহার পূর্বক ড্রেইনেজ সিস্টেমের মাধ্যমে নিষ্কাশন করা হয় যাতে পরিবেশ কোন ভাবে দূষিত না হয় কিংবা প্রাকৃতিক পরিবেশে কোন নেতিবাচক প্রভাব না পড়ে। কোম্পানীর কারখানার অভ্যন্তরে স্থাপিত সকল বিপদজনক স্থাপনাসমূহ ও কেমিক্যাল মজুদাগারে যথোপযুক্ত উপায়ে সংরক্ষণ ও সতর্কতা অবলম্বন করা হয়। কোম্পানীর কর্মরত সকল শ্রমিক কর্মচারীদের স্বাস্থ্য সুরক্ষা ও নিরাপত্তার জন্য প্রয়োজনীয় চিকিৎসার ব্যবস্থা গ্রহণ করা হয়েছে। কোম্পানীর আভ্যন্তরীণ ও বাহ্যিক সর্বোপরি পরিবেশগত ক্ষতি এড়ানোর বিষয়ে এই সংক্রান্ত বিধিমালাও যথারীতি অনুসরণ করা হচ্ছে এবং সকল সরকারী নির্দেশনা যথারীতি অনুসরণ করা হচ্ছে। সম্পদের সুরক্ষা ও নিরাপত্তার জন্য সঠিক সংখ্যক প্রহরীর মাধ্যমে নিরাপত্তা বেস্টনী রাখা হয়েছে।

১৬। আর্থিক বিবরণীর ব্যাপারে পরিচালকমন্ডলীর দায়িত্ব :

সিকিউরিটিস এন্ড এক্সচেঞ্জ কমিশনের নির্দেশনা নং-এসইসি/সিএমআরআরসিডি/২০০৬-১৫৮/১৩৪/এডমিন/৪৪ তারিখ ০৭ আগস্ট, ২০১২ ইং অনুযায়ী পরিচালকমন্ডলী নিশ্চিত করেছেন যে :

- (ক) কোম্পানীর ব্যবস্থাপনা কর্তৃপক্ষ কর্তৃক প্রস্তুতকৃত আর্থিক বিবরণীতে এর কর্মকাণ্ড, কার্যক্রমের ফলাফল, নগদ প্রবাহ ও ইকুইটি পরিবর্তন সম্পর্কে যথার্থ চিত্র উপস্থাপিত হয়েছে,
- (খ) কোম্পানীর হিসাবের বহিসমূহ যথাযথ সংরক্ষণ করা হয়েছে,
- (গ) আর্থিক বিবরণী প্রস্তুত করার সময় উপযুক্ত হিসাবনীতি সঙ্গতিপূর্ণভাবে প্রয়োগ করা হয়েছে এবং হিসাবের প্রাক্কলন যুক্তিসঙ্গত ও বিজ্ঞ বিচার বোধের ভিত্তিতে করা হয়েছে,
- (ঘ) আর্থিক বিবরণীসমূহ প্রস্তুত করার সময় আন্তর্জাতিক ও বাংলাদেশে গৃহীত হিসাব মানদণ্ড অনুসরণ করা হয়েছে এবং তা থেকে যেকোন ব্যত্যয় পর্যাপ্তভাবে প্রকাশ করা হয়েছে,
- (ঙ) আভ্যন্তরীণ নিয়ন্ত্রণ পদ্ধতি ছিল বলিষ্ঠ এবং তা কার্যকরভাবে বাস্তবায়ন ও মনিটরিং করা হয়েছে,
- (চ) চালু প্রতিষ্ঠান হিসেবে কার্যক্রম অব্যাহত রাখায় কোম্পানীর সামর্থ্যের ব্যাপারে তেমন কোন দ্বিধা নেই,
- (ছ) কোম্পানীর কার্যক্রমের ফালাফলের ক্ষেত্রে বিগত বছরের তুলনায় উল্লেখযোগ্য যেসব ব্যত্যয় রয়েছে সেগুলো বর্ণনা করা হয়েছে এবং তার কারণ ব্যাখ্যা করা হয়েছে,
- (জ) কার্যক্রম ও আর্থিক বিষয়ে চার বৎসরের উপাত্ত সংযোজন করা হয়েছে।



১৭। স্বীকৃতি :

সম্মানিত শেয়ারহোল্ডারবৃন্দ, আর্থিক প্রতিষ্ঠান, সিকিউরিটিজ এন্ড এক্সচেঞ্জ কমিশন, চট্টগ্রাম স্টক একচেঞ্জ, ঢাকা স্টক একচেঞ্জ, সেন্ট্রাল ডিপোজিটরী বাংলাদেশ লিঃ, সংশ্লিষ্ট সরকারী সংস্থা, নিরীক্ষক ও সরবরাহকারীসহ সকলের সার্বিক পরামর্শ ও সহযোগিতার জন্য আমরা সকলের প্রতি কৃতজ্ঞতা জ্ঞাপন করছি। সাথে সাথে ভবিষ্যতেও তাঁহাদের অনুরূপ সহযোগিতার হাত আমাদের প্রতি প্রশস্ত থাকবে এই কামনা করছি। ২০১৩-১৪ অর্থ বৎসরে কোম্পানীর সার্বিক কার্যক্রমে অংশ গ্রহণ করে বিরূপ পরিস্থিতি ও প্রতিকূলতা উত্তরণে যারা সার্বিক ও সর্বাঙ্গিক সহযোগিতা করেছেন পরিচালকবৃন্দের পক্ষ থেকে সেই সকল কর্মকর্তা কর্মচারীবৃন্দকে কৃতজ্ঞতা ও ধন্যবাদ জানাচ্ছি এবং ভবিষ্যতে অনুরূপ আন্তরিকতা, সহযোগিতা অব্যাহত থাকবে এই কামনা করছি। মহান আল্লাহ আমাদের সহায় হউন।

পরিচালকমন্ডলীর পক্ষে

স্বাঃ

সভাপতি

চট্টগ্রাম

তারিখ : ২৫ অক্টোবর, ২০১৪ইং